



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 46. Simon Montfortius, Crucigerorum Dux.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII. *ritus* decantabant. Ceterum potuis-  
 A. C. 1209. sent quidem Crucigeri urbem vi in suam  
 redigere potestatem; sed aliud visum  
 est, perpendentibus, si ea, simili fato ac  
 Bliterræ destrueretur, fore, ut bona om-  
 nia consumerentur, & Domino civita-  
 tis, a Principibus constituendo, nihil  
 superesset, unde militibus stipendia da-  
 ret, aut ipse sustentaretur. Ergo vitæ  
 gratia civibus fit, ea conditione, ut, re-  
 bus omnibus relictis, sola interula tecti  
 ex urbe abirent. Quam sortem in Fe-  
 sto Assumptionis decima quinta Augusti  
 anno millesimo ducentesimo nono Car-  
 cassonenses subierunt.

## §. XLVL

*Simon Montfortius Crucigerorum  
Dux.*

**H**is ita gestis, Crucigeri deliberant;  
 cui Principatum ditionum, armis  
 6. 17. subjectarum, conferrent. Cumque id  
 honoris primum Comiti Nivernensi, ac  
 deinde Duci Burgundiæ, obtulissent, iis  
 recusantibus, Electionis negotium se-  
 ptem Mandatariis, nempe Episcopis duo-  
 bus, Equestris Ordinis viris quatuor, &  
 Abbati Cisterciensi Papæ Legato, com-  
 miserunt, qui Simonem Comitem Mont-  
 6. 19. fortium elegerunt. Is quidem etiam  
 Imperium detrectare, humerosque suos  
 tanto

tanto oneri ferendo impares esse affirmare, sed tandem Abbate Cisterciensi & Duce Burgundiæ ad ejus pedes accidentibus, ac, ut Dignitatem reciperet, obtestantibus, idque etiam Abbate, auctoritate Legati Sedis Apostolicæ, præcipiente, acquievit. Erat vero Simon Montfortius haud vulgari vir specie, magna statura, formosa facie, robustus, solertissimus, fortis, intrepidus, in proposito constans, facundus, mansuetus, modestus, & optimis moribus præditus. Complures liberos susceperat ex Comitissa uxore sua, pietate, aliarumque virtutum ornatu tali viro digna matrona. Ab ejus filii nomine ditiones illæ exinde Montfortijum Amalrici dictæ sunt.

Sæcul. XIII.  
A.C. 1209.

Haud diu post, quam Dux militiæ crucigeræ electus fuisset, Comes Nivernensis, jurgiis inter ipsum & Ducem Burgundiæ natis, a reliquo corpore cum magna exercitus parte discessit.

c. 20.

In Castris \* urbe, in conspectum \* Castres Simonis Comitum adducuntur duo Hæretici, quorum alter erat ex numero illorum, quos Perfectos dicebant, alter ejus Discipulus. Comes, suis ad consilium adhibitis, utrumque igne damnavit, quamvis Discipulus diceret, converti se velle, & Hæresim ejurare. Nam Comes de eo disputabat in hunc modum: *Si Tyro iste sincere Hæresim ab-*

c. 22.

M 3

jicit,

Sæcul. XIII. *jicit, flammis traditus peccata sua ex-*  
A.C. 1209. *piabit. Si mentitur, iisdem flammis*  
*consumtus perfidiæ pœnas dabit. Ergo*  
*ambo firmis vinculis stipiti alligantur,*  
*& tyro interrogatus, in qua fide mori-*  
*turus esset, respondit: Moriar in fide*  
*sanctæ Romanæ Ecclesiæ, & precor Deum,*  
*ut iste ignis mihi pro Purgatorio sit.*  
*Tum lignorum strui ignis subjicitur, quo*  
*Hæreticus ille, qui perfectus dicebatur,*  
*uno momento in cineres redactus est,*  
*Tyronis autem sola vincula, quibus te-*  
*nebatur, ardore resoluta sunt, & ipse in-*  
*columis exiit, nisi quod extremi digito-*  
*rum articuli aliquantum adusti videren-*  
*tur. Idque omnes miraculum credide-*  
*runt. Elapso exinde modico temporis*  
*spatio, Duce Burgundiæ quoque ad sua*  
*revertente, solus Comes Monfortius*  
*cum triginta circiter viris Equestribus,*  
*& quibusdam Peregrinis, qui ex Francia*  
*advenerant, perstitit.*

## §. XLVII.

*Concilium Avenionense.*

*to. II. Conc.*  
*p. 41.*

**E**odem anno millesimo ducentesimo no-  
 no, die sexta Septembris, Hugo  
 Episcopus Rejenſis, & Milo Papæ Nor-  
 rici, uterque Sacræ Sedis Legatus, Con-  
 cilium Generale Avenione, præſentibus  
 Archiepiſcopis Viennensi, Arelatenſi,  
 Embrodunenſi, & Aquenſi, Episcopis vie-  
 ginti